



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«15» հունվար 2024թ.

ք. Երևան, Ս. Դավթի 87Ա

ՈՐՈՇՈՒՄ N 18- Ա

ՖԻԶԻԿԱԿԱՆ ԱՆՁԻ ԿՈՂՄԻՑ ԶԿԱՏԱՐՎԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ֆիզիկական անձ Գեղանուշ Սարգսի Ստեփանյանի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային վարչարարության իրականացման ընթացքում հնարավոր հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ 7476/2023/Ե/Ա արձանագրության /կցվում է/ ֆիզիկական անձ Գեղանուշ Սարգսի Ստեփանյանի (հասցե՝ Երևան, Ռուբինյանց փող., շ. 17, բն. 2 ՀՎՀՀ՝ 25434316, անձնագիր՝ AS 0565944) չկատարված հարկային պարտավորությունը 21.11.2023թ. դրությամբ կազմել է 792.153 դրամ, որից հարկ 588.874 դրամ, տույժ՝ 203.279 դրամ:

Վերոնշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, չկատարված հարկային պարտավորությունները գանձելու վերաբերյալ՝ վարչական ակտ ընդունելու նպատակով 20.12.2023թ. հարուցված վարչական վարույթի մասին հարկ վճարողը պատշաճ կերպով ծանուցվել է, ներկայացել է վարույթի նյութերին ծանոթանալու համար: Գեղանուշ Ստեփանյանը ներկայացրել է գրավոր հայտարարություն որով հայտնել է, որ իր կողմից իրականացված ներմուծման մասով 05.11.2019թ. պետական բյուջե է վճարվել ներմուծման ԱԱՀ-ի գումարը, սակայն օրենքի չիմացության պատճառով չի ներկայացրել համապատասխան ներմուծման հարկային հայտարարագիր: Միաժամանակ դիմումով հայտնել է, որ հիմք ընդունելով այն հանգամանքը, որ իր կողմից ներմուծված ապրանքների համար սահմանված ժամկետում արդեն իսկ կատարվել է հարկի վճարում, ուստի խնդրել է կարճել հարուցված վարույթը և իր նկատմամբ հաշվարկված տույժերի մասով կատարել վերահաշվարկ՝ ազատելով այն վճարելու պարտականությունից: Գեղանուշ Ստեփանյանը բանավոր հայտնել է նաև, որ թիվ ՎԴ/0072/05/23 վարչական գործով 09.01.2023թ. հայցադիմում է ներկայացրել ՀՀ վարչական դատարան 25.04.2022թ. կայացված թիվ 1286-Ա որոշումն անվավեր ճանչելու պահանջով: 15.02.2023թ. հայցադիմումն ընդունվել է վարույթ, իսկ 25.05.2023թ. ՀՀ վարչական դատարանի վճռով Գեղանուշ Ստեփանյանի հայցը բավարարվել է՝ անվավեր է ճանաչվել ՀՀ ՊԵԿ իրավաբանական վարչության պետի կողմից 25.04.2022թ. կայացած թիվ 1286-Ա որոշումը: Վճիռը 26.07.2023թ. մտել է օրինական ուժի մեջ:

Վարչական վարույթը կարճելու վերաբերյալ Գեղանուշ Ստեփանյանի կողմից ներկայացված դիմումը բավարարելու իրավական հիմքեր առկա չեն, իսկ տույժերի վերահաշվարկ կարող է իրականացվել միայն սույն վարչական ակտն անբողոքարկելի դառնալուց և սահմանված կարգով անձնական հաշվի քարտերում հաշվառվելուց հետո:

Իսկ ինչ վերաբերում է թիվ ՎԴ /0072/05/23 վարչական գործով օրինական ուժի մեջ մտած դատական ակտով 25.04.2022թ. թիվ 1286-Ա վարչական ակտն անվավեր ճանաչված լինելու հանգամանքին, ապա հիշյալ վարչական գործով անվավեր է ճանաչվել ոչ թե Գեղանուշ Ստեփանյանի ՀՀ պետական բյուջեի հանդեպ ունեցած պարտավորությունը, այլ այդ պարտավորությունը գանձելու ուղղությամբ հարկային մարմնի կողմից իրականացված ոչ իրավաչափ վարչարարության արդյունքում կայացված թիվ 1286-Ա որոշումը: Մասնավորապես՝ թիվ ՎԴ/0072/05/23 վճռով Գեղանուշ Ստեփանյանի հայցը բավարարվել է այն հիմքով, որ վիճարկվող որոշման ընդունման համար հարուցված վարչական վարույթն իրականացվել է ընթացակարգային նորմերի խախտմամբ, այն է՝ խախտվել է հայցվորի լսված լինելու իրավունքը: Սակայն նշված վճռի կայացմամբ Գեղանուշ Ստեփանյանի պարտավորությունները ՀՀ պետական բյուջեի հանդեպ չեն դադարել:

ՀՀ ՊԵԿ մաքսային մարմինների կողմից ստացված տեղեկությունների համաձայն ֆիզիկական անձի կողմից 31.10.2019թ. ԵԱՏՄ անդամ պետությունից ՀՀ տարածք է ներմուծվել ապրանքներ, ինչի արդյունքում գերազանցվել է ՀՀ կառավարության 2015թ հուլիսի 30-ի «ՀՀ օրենքով սահմանված կարգով անհատ ձեռնարկատեր չհանդիսացող ֆիզիկական անձի կողմից ՀՀ ներմուծվող ապրանքների ակնհայտ առևտրային չափաքանակներն ու ներմուծման հարկային հայտարարագիր ներկայացնելու և անուղղակի հարկերի վճարումն իրականացնելու պարտավորության վերաբերյալ» թիվ 865-Ն որոշման N 1 հավելվածով սահմանված ակնհայտ առևտրային չափաքանակները:

Ֆիզիկական անձը ՀՀ հարկային օրենսգրքի (այսուհետ՝ Օրենսգրք) 59-րդ հոդվածի 6-րդ կետի համաձայն՝ պարտավոր է ՀՀ կառավարության 2015թ. թիվ 865-Ն որոշմամբ սահմանված չափաքանակը գերազանցող մասի համար Օրենսգրքի 77-րդ և 78-րդ հոդվածների համաձայն՝ հարկային մարմին ներկայացնել ներմուծման հարկային հայտարարագիր և վճարել արդյունքում առաջացող ներմուծման ավելացված արժեքի հարկը՝ մինչև ապրանքները ՀՀ տարածք փաստացի ներմուծելու օրն ընդգրկող ամսվան հաջորդող ամսվա 20-ը ներառյալ:

Օրենսգրքի 60-րդ հոդվածի 1-ին մասի 4-րդ ենթակետի և 61-րդ հոդվածի 3-րդ կետի համաձայն՝ ԵՏՄ անդամ պետությունից ՀՀ ԵՏՄ ապրանքի կարգավիճակ ունեցող ապրանքի ներմուծման դեպքում ԱԱՀ-ով հարկման բազա է համարվում ներմուծվող ապրանքի ձեռքբերման արժեքը, արդյունքում Օրենսգրքի 63-րդ հոդվածի 1-ին կետի համաձայն ԱԱՀ-ն կհաշվարկվի 20 տոկոս դրույքաչափով:

Ֆիզիկական անձ Գեղանուշ Սարգսի Ստեփանյանի կողմից իրականացված վերը նշված գործարքի մասով սահմանված ժամկետում հարկային մարմին չի ներկայացվել ներմուծման հարկային հայտարարագիր և չի կատարվել հարկերի վճարումը:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը ներմուծման ԱԱՀ-ի մասով կազմում է 792.153 դրամ, որից հարկ 588.874 դրամ, տույժ՝ 203.279 դրամ, որն առաջացել է ֆիզիկական անձի կողմից կատարած ներմուծման գործարքի արդյունքում, ինչպես նաև հարկի գումարը սահմանված ժամկետում չվճարելու հետևանքով ՀՀ հարկային օրենսգրքի 401-րդ հոդվածի համաձայն հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

Վերոգրյալի հիման վրա, ղեկավարվելով ՀՀ հարկային օրենսգրքի 398-րդ հոդվածի 6-րդ և 7-րդ մասերով, «Հարկային ծառայության մասին» ՀՀ օրենքի 4-րդ հոդվածի 6-րդ մասով, ինչպես նաև «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

ՈՐՈՇԵՑԻ

1. Ֆիզիկական անձ Գեղանուշ Սարգսի Ստեփանյանից գանձել 792.153 դրամ պարտավորության գումար, ինչպես նաև սույն որոշման կատարման օրվա դրությամբ ՀՀ հարկային օրենսգրքով կամ օրենքով սահմանված կարգով հաշվարկված տույժերը համաձայն ստորև ներկայացված աղյուսակի՝

21.11.2023թ-ի դրությամբ չկատարված հարկային պարտավորությունները գանձելու վերաբերյալ

Հ / Հ	Հարկի և այլ պարտադիր վճարի տեսակը	Հաշվարկված հարկ/վճար		Հաշվարկված տույժ	Հաշվարկված տույժ	Ընդամենը	Վճարման ուղղությունը	Հաշվի համարը
		առաջացման ամսաթիվ	գումար					
1	2	3	4	5	6	7= 4+5+6	8	9
1	Ներմուծման ԱԱՀ	20.11.2019	588.874	203.279		792.153	պետական բյուջե	900008000490

2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ծառայություն:
3. Որոշման օրինակն եռօրյա ժամկետում ուղարկել ֆիզիկական անձին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59 հոդվածով սահմանված կարգով՝ իրագելելուն հաջորդող օրվանից:
5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ



ԱՐՄԱՆ ՄԱՅԱԿԱՆՅԱՆ

Ստացա որոշման օրինակը _____

Ստորագրություն հարկ վճարողի /կամ ֆիզ. Անձի/ պաշտ անձի անուն ազգանուն

ամսաթիվ _____

ԾԱՆՈԹՈՒԹՅՈՒՆ՝

Հարկ վճարողի չկատարված պարտավորությունների գանձման վերաբերյալ հարկային մարմնում առկա մեկից ավելի վարույթների շրջանակներում ընդունված և ուժի մեջ մտած որոշումներով գանձման ենթակա ընդհանուր պարտավորությունը 1.500.000 ՀՀ դրամ գումարը գերազանցելու դեպքում, որոշումներն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար ապացույցներ ներկայացվելու դեպքում, եթե դրանք ՀՀ պետական եկամուտների կոմիտեի կողմից կհամարվեն հիմնավոր, հարկային մարմինը ՀՀ հարկային օրենսգրքով սահմանված արգելադրման գործընթաց չի իրականացնի:

Կատարող՝ ՀՀ ՊԵՏ, իրավաբանական վարչություն
Զարուհի Ֆարմանյան, հեռ. 010-30-91-91 /91-27/: